



Broj predmeta: 13-000339/20
Broj akta: 01.1-1413EK-0119/22
Datum, 4.2.2022.. godine
Mjesto, Brčko

Na osnovu člana 17. stav (2) Zakona o Vladi Brčko distrikta BiH («Službeni glasnik Brčko distrikta BiH», broj: 22/18 -- prečišćen tekst, 49/18, 08/19, 10/19 i 32/19), u skladu s članom 69. stav (3) Zakona o javnim nabavkama («Službeni glasnik BiH», broj 39/14), Rješenja Kancelarije za razmatranje žalbi BiH broj: JN2-01-07-1-2975-6/21 od 2.12.2021. godine i Zapisnika o pregledu i ocjeni ponuda sa preporukom komisije za javne nabavke broj:13-000339/21 od 2.2.2022. godine, gradonačelnik Brčko distrikta BiH d o n o s i

ODLUKU O PONIŠTENJU POSTUPKA JAVNE NABAVKE

Član 1

Poništava se otvoreni postupak za nabavku novih vatrogasnih vozila za opremanje područnih vatrogasnih domova za potrebe Odjeljenja za javnu sigurnost Vlade Brčko distrikta BiH, koji je pokrenut na osnovu Posebne odluke o pokretanju postupka javne nabavke broj: 13-000339/20 od 30.01.2020. godine, Obavještenja o nabavci na portalu javnih nabavki broj: 1157-1- 1-107-3-151/20 od 21.2.2020. godine, iz dokazanih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke, što prema čl. 69. stav (3), predstavlja osnov za poništenje postupka javne nabavke.

Obrazloženje

Nakon zaprimljenog Rješenja Kancelarije za razmatranje žalbi broj: JN2-01-07-1-2975-6/21 od 02.12.2021. godine, te nakon imenovanja novog zamjenskog člana komisije zbog odlaska jednog od prethodnih članova na drugo radno mjesto, komisija za javne nabavke se sastala dana 28.12.2021. godine i razmotrila dostavljeno Rješenje kojim je Odluka o poništenju postupka br. 13-000339/20 (01.1-1413EK-0088/21 od 27.09.2021. godine) poništena i predmet vraćen ugovornom organu na ponovni postupak.

Na sastanku je zaključeno da će stručna komisija ponovo izvršiti stručnu ocjenu u skladu sa Rješenjem, te da će po uputama Kancelarije za razmatranje žalbi izvršiti novu ocjenu ponuda.

Stručni članovi komisije imenovani ispred Odjeljenja za javnu sigurnost su u skladu sa uputama Kancelarije za razmatranje žalbi u kojima je navedeno da je suštinsko pitanje u vezi sa ocjenom ponuda da li ponuđeni tip i model vozila ispunjava minimalne tehničke karakteristike propisane Aneksom 3, pripremili Izvještaj komisije o tehničkoj podudarnosti ponuda i tehničkih zahtjeva iz tehničke specifikacije od 13.01.2022. godine i dostavili ga na sastanak komisije koji je održan dana 17.1.2022. godine.

Stručni članovi komisije su naglasili da su u prethodnoj ocjeni ponuda naveli da nijedna ponuda nije prihvatljiva i predložili poništenje postupka javne nabavke. Naime, predstavnici firme „BEXING“

d.o.o Beograd su dana 18.11.2020. godine na protokol zgrade Vlade Brčko distrikta BiH dostavili žalbu uz koju su priložili tehnički list vozila koji su se obavezali isporučiti, a radi pojašnjenja svoje ponude. Stručni članovi komisije su dana 16.2.2021. godine dobili pomenuti tehnički list koji je dostavila firma „BEXING“ d.o.o., Beograd na osnovu kojeg su utvrdili da postoje određene tehničke nepodudarnosti između tehničkih karakteristika ponuđenih vozila i tehničkih karakteristika iz tehničkog lista. Komisija se prilikom prethodne ocjene ponuda koristila isključivo tehničkim listom koji je dostavila firma „BEXING“ d.o.o. Beograd.

U ovom izvještaju od 13.1.2022. godine, stručna komisija je uvažavajući upute Kancelarije za razmatranje žalbi, izvršila stručnu ocjenu ponuda u pogledu ponuđenog tipa i modela vozila i konstatovala da oba ponuđača ispunjavaju minimalne tehničke karakteristike propisane Aneksom 3, te ih ocijenila kao kvalifikovane.

U prilogu zapisnika dostavljen je Izvještaj komisije o tehničkoj podudarnosti ponuda i tehničkih zahtjeva iz tehničke specifikacije

Nakon što su oba ponuđača ocijenjena kao kvalifikovana, konstatovano je da je potrebno nastaviti sa procedurom dodjele ugovora i zakazati e-aukciju.

S obzirom da je zbog žalbi postupak više puta obustavljan opcije ponuda kvalifikovanih ponuđača su istekle.

Od kvalifikovanih ponuđača je dopisom br. 13-000339/21 (br. Akta: 02-1348NH-0109/22) traženo da se izjasne da li ostaju pri svojim ponudama, dostave izjavu o navedenom kao i garanciju za ozbiljnost ponude za period do 30.04.2022. godine ukoliko ponude još važe.

Na navedeni zahtjev oba ponuđača su dostavila odgovor.

1. Ponuđač „SV Company“ doo – Laktaši je dostavio izjavu br. 02-007/2022 od 20.01.2022. godine kojom obavještava ugovorni organ da je za vrijeme trajanja postupka značajnih promjena na tržištu u smislu povećanja cijena, dužih rokova isporuke, kao i unapređenja proizvodnje. Ponuđač je naveo da se ta izjava može smatrati kao odgovor na zahtjev.

2. Ponuđač „Bexing“ doo – Beograd je dostavio izjavu dana 21.1.2022. godine kojom je produžena opcija ponude do 30.4.2022. godine, te je izjavio da će dostaviti i garanciju za ozbiljnost ponude do istog datuma

Dana 28.01.2022. godine ponuđač „Bexing“ doo Beograd je dostavio zahtjev i obavijestio ugovorni organ da je obustavio postupak obezbjeđivanja garancije banke jer je došlo do promjene uslova iz ponude.

Ponuđač zbog novonastale situacije zahtjeva korekciju roka isporuke vozila i korekciju cijena.

Nakon razmatranja dostavljenih izjašnjenja od strane oba ponuđača, utvrđeno je da ponuđači nisu produžili opcije ponuda, odnosno dostavili garancije za svoje prvobitne ponude, a zbog novonastale situacije na tržištu.

Članom 72. stav (5) Zakona o javnim nabavkama je propisano da prilikom dodjele ugovora o nabavci, cijena navedena u najpovoljnijoj ponudi, kao i uslovi utvrđeni u tenderskoj dokumentaciji ne mogu se mijenjati.

S obzirom na izjašnjenja ponuđača koji nisu ostali pri svojim prvobitnim ponudama, odnosno nisu spremni produžiti ponude koje su dali, te s obzirom da u skladu sa Zakonom o javnim nabavkama nije dozvoljeno mijenjati cijene dostavljenih ponuda i uslove iz tenderske dokumentacije, nije moguće nastaviti proceduru javne nabavke u smislu dodjele ugovora. Komisija za nabavke je dostavila preporuku ugovornom organu o poništenju postupka izbora najpovoljnijeg ponuđača u postupku nabavke.

POUKA O PRAVNOM LIJEKU:

Protiv ove odluke zainteresovane strane imaju pravo podnijeti pismenu žalbu ugovornom organu dostavljanjem žalbe u najmanje tri primjerka u Odjeljenje za stručne i administrativne poslove Pododjeljenje za javne nabavke Vlade Brčko distrikta BiH, u roku od 10 dana od dana prijema odluke.

DOSTAVLJENO:

1. Pododjelu za javne nabavke,
2. Odjeljenju za javnu sigurnost,
3. Gradonačelniku,
4. Zamjeniku gradonačelniku
5. „Službenom glasniku Brčko distrikta BiH“
6. Arhivi.



